

Ngux Nyied Co'ngux·Aen Ciet Gyoengq Raeuz

我们的节日·端午

Mboengqneix, Ningzmingz Yen guh le buek hozdung “fatyengz vwnzva cienzdoengj, giengz guek fukhwng miz gou” bae saedguh vwnzmingz seizdaih moq. Aen yienh neix doxdax suek haeuxfaengx, soengq faengx hawj dangyenz geq, ranzhojnanz, bounxndangcanz daengj, caeuq vunzlai gak minzcuz doxcaez gvaqciet, doxhuz doxndei, fatyengz gij cingsaenz vwnzmingz seizdaih moq. (Vangz Vwnzvej/黄文伟)

► Vunzmbanj Ningzmingz Yen Mbanjnazmoz langhbaij baenzlawz ngauz laeujlaehcei.



▲ Vunzlai youq gwnzfwngz sij cih “vangz”.

6 nyied 3 hauh dwg ngoenz ngux nyied co'ngux, Aen Bozvuzgvanj Miu Gungswj laeng Nanzningz Si guh diemj yungzvuengz, sij cih “vangz”, guh daehhom, caeqbaij Gungswj daengj lai cungj hozdung, hawj gyoengq beixnuengx gak minzcuz ndaej daejniemh minzsug cienzdoengj, cix ndaej ciepcienz vwnzva Cunghvaz Minzcuz. (Yi Sienghceenz/喻湘泉)



Ngoenzciet, vunzlai Cenzcouh Yen youq Dahvanyanghhoz guh ruzlungz doxdax. Miz samcib lai aen ruzlungz camgya, doxceng doxgyaep, nauhyied raeuh, sing gyong sing laz goksadsad, yinxdaej haujlai vunz comzyawj, doxcaez daejniemh gij yienghndei aen ciet cienzdoengj. (Dangz Gvangjdungh/唐广东)



▲ Cenzcouh Yen Dahvanyanghhoz, ruzlungz doxdax nauhvied raeuh.

6 nyied 2 hauh, gyoengq mehmbwk Dungcu laeng Sanhgyangh Dungcu Swciyen doxcomz nyib “maxlaeuz umj gve gim” cungj daehhom feihyiz Dungcu, angqcoux ngux nyied co'ngux. Dieg de riuz miz coenzvah “ngux nyied co'ngux aemq maxlaeuz, baenz bi mbouj aeu heiq; maxlaeuz umj gve gim, fuk loeg souh heij daeujdaengz ranz.”

(Gungh Bujgangh Liengz Siumingz/龚普康 梁秀明)

◀ Gyoengq mehmbwk cix gangi cix riu doxcomz nyib daehhom.

Aen Cungsim Hagdangz Nazciz Yangh Angqhoh Ciet Lwgnyez

纳直乡中心学校欢庆六一

Mboengqneix, Aen Cungsim Hagdangz laeng Denhngoz Yen Nazciz Yangh guh hozdung “sim lwgnyez coh dangj, angqcoux Ngeihcib Daih Aendangj, ciengxlwenx riengz aendangj byaij”. Hozdung miz giyez simndei daeuj veivwn, byaujcangh doenghboux lwghag hagsib ndei, guh yizsiz bounxmoq haeuj sausen-

dui, youzyenz, vwnzyi biujyienj caeuq doxdax bengcag daengj. Doengh gij hozdung neix, langhbaij lauxsae lwghag aen hagdangz neix gaenxmaenx baenaj, miz aendangj dazyinx, gyoengq lwgnyez seizdaih moq ndaej majhung baenzndei, gyaepgouz loqsiengj.

(Yungz Liswh/熊利思)



▲ Lwghag sim'angq doxdax bengcag.